

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), u vezi sa članom 46. i član 51. stav 4. Zakona o izvršenju Budžeta Zeničko-dobojskog kantona za 2015. godinu ("Sl. novine Zeničko-dobojskog kantona", broj: 2/15) na prijedlog Kantonalne uprave za inspekcijske poslove, Vlada Zeničko-dobojskog kantona, na 35. sjednici, održanoj 26.11.2015. godine, d o n o s i

ZAKLJUČAK

I.

Usvaja se Izvještaj o utrošku sredstava po „Programu nabavke opreme“ Kantonalne uprave za inspekcijske poslove za 2015. godinu, koji je usvojen Zaključkom Vlade Zeničko-dobojskog kantona broj: 02-14-11483/15 od 20.05.2015. godine.

II.

Zaključak stupa na snagu danom donošenja.

Broj: 02-_____15.
Datum, 26.11.2015. godine
Zenica

PREMIJER

Miralem Galijašević

DOSTAVLJENO:

1 x Kantonalna uprava za inspekcijske poslove,
1 x Ministarstvo finansija,
1 x a/a.

IZVJEŠTAJ

o utrošku sredstava po „Programu nabavke opreme“ Kantonalne uprave za inspekcijske poslove za 2015. godinu

Zaključkom Vlade Zeničko-dobojskog kantona broj: 02-14-11483/15 od 20.05.2015. godine usvojen je Program utroška pod nazivom „Program nabavke opreme“ Kantonalne uprave za inspekcijske poslove za 2015. godinu, sa razdjela 26, budžetska organizacija 01, potrošačka jedinica 0001, ekonomski kod 821300, pozicije „Nabavka opreme“ (naknade za veterinarsko-zdravstvene preglede i kontrolu kantonalnih veterinarskih inspektora), Budžeta Zeničko-dobojskog kantona za 2015. godinu, u ukupnom iznosu od 100.000,00 KM.

Plan i realizacija nabavke je prikazana u slijedećoj tabeli:

Naziv projekta	Količina	Planirana sredstva (u KM)	Utrošena sredstva (u KM)	Razlika planirano/ utrošeno (u KM)
NABAVKA SLUŽBENIH VOZILA	do 5 kom	100.000,00	0,00	0,00

Iz tabele se vidi da Program utroška pod nazivom “Program nabavke opreme“ Kantonalne uprave za inspekcijske poslove za 2015. godinu, nije realizovan.

Odlukom o usvajanju Plana javnih nabavki Zeničko-dobojskog kantona u 2015. godini („Sl. novine Zeničko-dobojskog kantona“, broj: 4/15), planirano je da nabavku službenih vozila, iz namjenskih sredstava ovog organa izvrše Služba za zajedničke poslove i Kantonalna uprava za inspekcijske poslove. Odlukom o provođenju postupka javnih nabavki broj: 02-14-16374/15 od 31.08.2015. godine, kantonalni organi su ovlašteni da samostalno pokreću i provode postupke javnih nabavki, te prate realizaciju ugovora u skladu sa Planom javnih nabavki Zeničko-dobojskog kantona.

U skladu sa navedenom Odlukom, ovaj organ je početkom novembra izvršio registraciju kod Agencije za javne nabavke BiH.

Kako je nakon registracije ovog organa kod navedene Agencije, bilo izvjesno da se postupak javne nabavke neće moći okončati do kraja budžetske godine, zbog čega bi bila dovedena u pitanje isplata ugovorene cijene odabranom dobavljaču, što predstavlja nedozvoljeno ponašanje ugovornog organa prema Zakonu o javnim nabavkama i Zakonu o izvršenju Budžeta Zeničko-dobojskog kantona za 2015. godinu, direktor je odlučio da se planirana javna nabavka ne provodi.

Izveštaj sačinila:

Indira Krujeziu, sekretar